



菅家文草

三



~ 16
3326
3



門 16
號 326
卷 3

管家文草第三 詩三



早春內宴聽官妓奏柳花怨曲應製 自此以後讀

明刺史之作向後五首末出京

官妓誰非舊李家就中脂粉物思華應緣奏曲

吹羌竹豈取含情惡柳花舞破雖同飄綠朶歡

酣不覺落銀釵餘音縱在微臣聽最歎孤行海

上波

予為外吏幸侍內宴裝束之間得預公宴者雖有舊例又殊恩也王公依次行酒詩

黑川真道藏書

黑川真道藏書

黑川真道藏書

臣相國昭良公以當次又不可辭盃予前佇立不行
源史吟曰明朝風景屬何人一吟之後命
予高詠蒙命欲詠心神迷亂纔發一聲淚
流嗚咽宴罷歸家通夜不睡默然而止如
病胃塞尚書左丞在傍詳聞故寄一篇以
慰予情
自聞相國一闕脣何似風光有主人忠信從來
將竭力文章不道獨當仁含誠欲報義恩久發
詠無堪落淚頻若出阜城思此事定啼南海浪

花春

尚書左丞錢庶同賦贈以言各分一字探得時字
左丞
佐世

讚州刺史自然悲悲倍以言贈我時贈我何言
為重寶當言汝父昔吾師

相國東閣錢席探得花字

為吏為儒報國家百身獨立一思涯欲薛東閣
何為恨不見明春洛下花

北堂錢宴各分一字探得遷字

我將南海飽風煙更妬他人道左遷借憶分憂
非祖業俳個孔聖廟門前

中途送春以下二首
行路之作

春送客行客送春傷懷四十二年人思家淚落
書齋舊在路愁生野草新花為隨時餘色盡鳥
如知意晚啼頻風光今日東歸去一兩心情且
附陳

途中遇中進士便訪春試二三子

遇逢知友立中途便謝諸生恐舊儒補逸書篇

三百字補逸書
試題之不知詎得一明珠

得故人書以詩答之以下三十四
首到州之作

拆封知再改風光讀未三行淚數行先悶秀才
占夏月傳聞藤秀才五月
可策試秀才春海更思進士泥春塲寄
身雖苦為南海投步猶安自北堂努力君心能
努力存亡應在此文章

金光明寺百講會有感

三十日來草不青今朝雨降捻神靈何為頂上
重加頂永戴仁王般若經

早秋夜詠

初涼計會客愁添，不覺衣衿每夜霑。
五十年前心未懶，二千石外口猶甘。
家書久絕吟詩咽，世路多疑託夢占。
莫道此間無得意，清風朗月入蘆簾。

○ 新月二十韻

百城秋至後，三諫月成初。
碧落煙氛盡，黃昏畫漏餘。
退衙西顧立，尋寺上方居。
玉縷風頭畫，銀泥日脚書。
政將心緒急，忘却眼珠除。
仰有纖纖

著行無皎皎，舒拂雲驚度。
鴈投水誤遊，魚鳳腦光相似。
蛾眉細不如，藏應容掌握。
動欲任吹噓，少婦看珍重。
詞人翫忽諸，推量葦影薄。
想像桂枝疎，庾令登樓懶。
王生命駕徐，浪花晴嶋嶼。
露葉映芙蓉，旅客愁而已。
詩情樂只且，照勝冬雪讀。
明助夜潮漁，屬思江舟棹。
宜瞻野草廬，平泖閑點檢。
曲浦獨躡踏，觸事高乘興。
馳神半步虛，了知新蚌蛤。
那見老蟾蜍，若使虧盈易。
催迴五馬車。

始見二毛

我老於潘一十年二毛何處甚留連當初不見
今初見為是愁多卧海壖

○秋天月

千悶消云十日醉百愁安慰百花春一生不見
三秋月天下應無腸斷人

○秋夜

涯分浮沉更問誰秋來暗倍客居悲老松窓下
風涼處踈竹籬頭月落時不解彈琴兼飲酒唯

堪讀佛且吟詩夜深山路樵歌罷殊恨隣鷄報
曉遲

○重陽日府衙小飲

秋來客思幾紛紛况復重陽暮景曛菊遺窺園
村老送黃從任玉藥十分停盃且論輸租法走
筆唯書辨訴文十八登科初侍宴今年獨對海
邊雲

近曾有自京城至州者誦出一絕云是越
州巨刺史秋夜夢菅讀州之詞也予握筆

而寫寫竟與作聊製一篇以慰悲感

北山南海隔皇城煙水蒙籠夢裏情時節晴逢
流淚氣別名自有斷腸聲莫因道遠稱孤立嫌
被人知會五更若使神交同面并不辭夜夜冒
寒行

○詠後聞進士公宴詩不堪欣感便寄一絕
絕無消息幾相思為想他年得意時今日定知
君不死若教君死豈吟詩

○寒早十首同用人射
貧類四字

何人寒氣里寒早走還人案戶無新口尋名占
舊身地毛鄉土瘠天骨去來貧不以慈悲繫浮
逃定可類

何人寒氣早寒早浪來人欲避逋租脚還為招
責身鹿裘三尺弊蝸舍一間貧負子兼提婦行
行乞與類

何人寒氣早寒早老艱人轉枕雙開眼位簷獨
卧身病崩逾結悶飢迫誰愁貧擁抱偏孤子通
宵落淚類

何以寒氣早寒早夙孤人父母空聞耳調庸未
免身葛衣冬服薄蔬食日資貧每被風霜苦思
親夜夢頻

何以寒氣早寒早藥圃人辨種君臣性充徭賦
役身雖知時至採不療病來貧一草分銖欠難
勝簞決頻

何以寒氣早寒早驛亭人數日忘食口終年送
客身衣單風發病葉癯暗漆貧馬瘦行程澁鞭
笞自受頻

何以寒氣早寒早賃船人不計農商業長為僦
直身立錐無地勢行棹在天貧不屑風波險唯
要受雇頻

何以寒氣早寒早釣魚人陸地無生產孤舟獨
老身裊絲常恐絕投餌不支貧賣欲充租稅風
天用意頻

何以寒氣早寒早賣塩人煮海雖隨手衝烟不
顧身早夫平價賤風土未商貧欲訴豪民權津
頭謁吏頻

何人寒氣早寒早採樵人未得閑居評常爲重
擔身雲巖行處險癘牖入時貧賤賣家難給妻
孥餓病頻

客舍冬夜

客舍秋徂到此冬空床夜夜損顏容押衙門下
寒吹角開法寺中曉驚鐘開法寺在府衙之西行樂去留
遵月砌詠詩緩急播風松思量世事長闔眼不
得知音夢裏逢

同人同諸小兒旅館庚申夜賦靜室寒燈明之詩扶

旅人每夜守三戶况對寒燈不卧時強勸微心
雖未死頻收落淚自爲悲舍低應道星穿壁山
近猶疑雪照帷四五更來無一事咲看兒輩學
吟詩

在州以銀魚袋贈吏部第一郎中扶

屈身探得一銀魚手自緘封意豈疎隨我多年
鱗半落贈君遠路淚猶餘不潛南海重波下將
躍東風解凍初非倚同時爲吏部唯思交道在
文書

○ 旅亭除夜

駢策四時此夜窮，旅亭閑處甚。寒風苦思洛下
新年事，再到家門一夢中。

○ 旅亭歲日招客同飲

仁和三年

招客江村歲酒盃，主人多被旅情催。家兒淺酌
爭先勸，鄉老多巡罰。後來愁戚去年分，手出笑
容今日兩肩開。欲知倒載非陽醉，舟撒漁竿遺
置迴。

○ 早春閑望

早起灰心坐冥冥，是夢是鬼雲中山。色沒雨後水
聲喧，強道春先至，猶知日未暹。迴頭無外物，漁
叟立沙村。

正月二十日有感

禁中內宴之日也

寒氣遍身夜淚多，春風為我不誰何。迴頭左右
皆潮戶，入耳高低只棹歌。遠憶群鷺馴藥樹，偏
悲五馬隔滄波。諸兒強勸三分酒，謝日忘憂莫
此過。

夢宇尚負

府衙書生一日頓死

每看名簡痛相哀，惜汝從公有小才。爲訴妻孥將餓死，應窺太守夢中來。

○春日尋山

偶得衙頭午後閑，二三里外出尋山。鳥能饒古溪邊聽花有，亞枝馬上攀。要賞煙蘿古遠入，嫌繁案牘懶先還。從初到任，心情冷被勸春風，適破顏。

行春詞

七言二十韻

欲貌春風不受憎，周流四望睇先凝。才愚只合

嫌傷錦，慮短何爲理。亂繩慙愧城陽因，勇進庶幾馮翊以廉稱。莓苔石上心沉陸，楊柳花前脚履冰。辭謝頑民來謁拜，許容小吏送祇萊。統身文墨徒相逐，任口謳吟罷不能。事事當資仁義下，行行且禱稻登靈。祠惟語年高，祝古寺玄談。瞻老僧過雨，經營修府庫。臨煙刻鏤辨溝塍，遍開草褥寬囚錄。輕舉蒲鞭宿惡懲，尊長思教卑幼順。單貪恐被富強凌，安存耄邁食非肉。賑恤孤惇餓曲肱，繼縷家門留問主。耦耕田畔立

尋朋遊童竹馬郊迎廢隱土藜杖路次興冥感
終無馴白鹿外聞幸免喚蒼鷹應緣政拙名
墜豈敢功成善最異迴轡出收朝日旭墊巾歸
慶暮雲蒸驛亭樓上三通鼓公館窓中一點燈
人散閑居悲易觸夜深獨卧淚難勝到洲秋半
清兼慎恨有青青汚染蠅

○ 勿廟釋奠有感

一趨一拜意如泥
罇俎蕭疎禮用迷
曉漏春風三獻後
若非供祀定兒啼

○ 路遇白頭翁

路遇白頭翁白頭如雪面猶紅
自說行年九十
八無妻無子獨身窮
三間茅屋南山下
不農不商雲霧中
屋裏資財一栢匱
匱中有物一竹籠
白頭說竟我爲詰
老年紅面何方術
已無妻子又無財
容體充肥臙陳述
白頭拋杖拜馬前
懇勸請曰叙因緣
貞觀末年元慶始
政無慈愛法多偏
雖有旱災不言上
雖有疫死不哀憐
四千餘戶生荆棘
十有一縣無饗煙
適逢明府安爲

氏今之野奔波晝夜巡鄉里遠感名聲起者還
州別駕周施賑恤疲者起吏民相對下尊上老弱相携
毋知子更得使君保在名今之豫卧聽如流境
內青春不行春春遍達秋不省秋秋大成二天
五袴康衢頌多黍兩歧道路聲愚翁幸遇保安
德無妻不農心自得五保得衣身甚温四隣共
飯口常食樂在其中斷憂憤心無他念增筋力
不覺鬢邊霜氣侵自然面上桃花色我聞白頭
口陳詞謝遣白頭反覆思安為氏者我兄義保

在名者我父慈已有父兄遺愛在願因積善得
能治就中何事難仍舊明月春風不遇時欲學
奔波身最懶將隨臥聽年未衰自餘政理難無
變奔波之間我詠詩

晚春遊松山館扶

官舍交簷枕海濼去來風浪不生塵轉移危石
開中道分種小松屬後人低翅沙鷗潮落暮亂
絲野馬草深春釣歌渙火非交友抱膝閑吟淚
濕巾

○讀書

有迹崇丘父，無爲拜老君。春秋三十卷，道德五千文。口誦窺衙後，心耽到夜分。二經充晚學，那問舊丘墳。

春盡

風月能傷旅客心，就中春盡淚難禁。去年馬上行相送，今日雨降時獨吟。花鳥從迎朱景老，鬢毛何被白霜侵。無人得意俱言咲，恨散茫茫一水深。

書懷贈故人

在遠想思，一故人花前月下海邊春。劉歆舊說君聞取，莫黨同門妬道真。

○思家竹

三畝琅玕種有筠，始從舊宅小園分。纔憑客夢遊魂見，適問家書使口聞。殊恨低迷摧宿雪，不期長養拂秋雲。子猷一日猶馳戀，豈敢涉年無此君。

○分良藥寄倉主簿

欲留霜白老，分寄地黃煎。若和盃中物，當爲飲酒仙。

○問藺翁翁

問尔皤皤，一老人名爲藺翁。事何因，生年幾箇。家安在，偏脚句瘦亦具陳。

○代翁答之

藺翁爲名，名在手工。類齡六十，宅山東。毒瘡腫爛，傷偏脚，不記何年。自小童。

重問

迎前問汝更辛酸，年紀病源是老殘。賣葑村中應賤價，生涯定不免飢寒。

○重答

二女三男一老妻，茅簷內外合聲啼。今朝幸軟，慇懃問，扶杖歸時斗米提。

○衙後勸諸僚友共遊南山

衙後不勝客舍，開相招信馬到南山。松低老葉，危巖下水噴寒花。迅瀨間欲伴孤雲，尋閒路猶憐半日出塵寰。洲民縱訴，監臨盜此地風流負。

戴逵

觀瀑布水

銀河倒瀉落長空，恰似霜紈颺晚風。清淺寒聲圖不得，將聞二十八言中。

○得倉主簿寫情書報以長句兼謝州民不歸之疑以下乞暇

停棹中洲得一封，看知到底寫心胸。無情今日濕襟別有分，去年頰蓋逢期我歸帆。唯六日恨君罷秩在三冬，當洲若不重來見客館，何因種

小松予近曾津頭客館移種小松以備遊覽故云

宿舟中

寄宿孤舟上，東風不便行。客中重旅客生分竟，浮生語得塩商意欲隨。釣叟聲此間塵迹斷，更懶問家情。

舟行五事

一株磯上松，嶠島磯勢重。松全孤立性，磯絕四方蹤。隨分短枝老，任天細葉濃。無心雲自到，有節雪纔封。雖遇陽侯怒，基堅不近攻。雖遭班爾

匠村陋不爲容，赤木東南，嶋黃場西北，峯豪家
常愛用，貧吏適相逢，刀割又傷斧，春生不涉冬
文章誠可畏，礮上欲追從，白頭已釣翁，涕淚滿
舟中，昨夜隨身在，今朝見手空，尋求欲凌浪，衰
老不勝風，此釣相傳久，哀哉痛不窮，子孫何物
遺，衣食何價充，荷鍾斲農父，駘羊愧牧童，非嫌
新變業，最惜舊成功，若有僧爲俗，寺中惡不通
假令儒作吏，天下笑雷同，漸憶釣翁泣，悲其業
不終，區區渡海，麴吐舌，不停蹄，潮頭再三顧，如

戀故山路，故山何戀切，母鹿每提携，乃適遇，獠徒
至，分奔道路迷，呼聲喧左右，流鏃雨東西，母子已
相失，死生未相曉，茫茫不測水，豈是毛群栖，森
森無涯浪，未曾野獸踐，何福鷄巢藪，何分龜曳
泥，客有離家者，看麿漂血啼，海中不繫舟，東西
南北流，不知誰本主，一老泣前洲，聞塩價翔貴，
逆風去，不留夜行三四里，觸石暗中投，折檝隨
潮蕩，空籠逐浪浮，欲求十倍利，還失一生謀，老
泣雖哀痛，虛舟以放遊，有人前有禍，無物後無

○ 愁冒進者如此虛心者自由始終雖不一請我
學莊周疲羸絕粒僧草庵結石稜石高三四丈
波勢百千層隣絕糧難到路尖人不登聞其長
斷食虛号遍相稱骨欲穿肌立魂應離魄昇我
將知實不試擲米三升納受即言曰施主誠足
憑今朝如不遇屍僵遂無興彼非須我食我非
知彼矜嗷嗷聞巷犬當吠此僧明

○ 到河陽驛有感而泣扶

去歲故人王府君驛樓執手泣相分我今到此

問亭吏爲報向來一點墳

○ 殘菊下自詠以下五首
到京之作

踈籬豈敢冒霜威不恨凋殘氣力微天下涼陰
花下冷主人外吏故人稀應看晚色知閑物欲
引餘香襲客衣爲恐藁邊腸易斷徘徊未得早
南歸

○ 冬夜閑居話舊以霜爲韻扶

懷舊猶勝到老忘多言且恐損中腸交遊少自
心如木閑話今宵鬢有霜不恨寒更三五去無

堪落淚百千行相論前事故人在只是當時我
獨傷

三年歲暮欲更飯聊述所懷寄尚書平

右丞

一離一會宛如新隨念了知是宿因衙早尚書
長劇務告歸刺史暫閑人途中不惜分君手夜
後將論處我身世路難於行海路飛帆豈敢得
明春

正月十日同諸生吟詩

月色猶迷臘雪殘自知春淺我心寒若教花只
能言語定報通宵笑不歡

賦得春之德風時屬諒
聞故云
題中取韻三
十字成篇

和風期五日德化在三春遠近吹無頗高低至
有隣開花驚老樹解凍放潛鱗號令今如此應
知養長仁

管家文草卷第三終

